

(առանձին հայ ֆեոդալական տների ներկայացուցիչներ, հոգեւորականութիւն, առեւտրավաշխառուական դաս եւ այլն), այլեւ պարսկական տեղական իշխանութիւնների վարած դաժան հարկային քաղաքականութեան հետեւանքով ունեզրկուած հայ աշխատաւորական խաւերում: Տնտեսապէս քայքայուած, ունեզուրկ հայ աշխատաւորը ստիպուած դիմելով դաւանափոխութեան, ոչ միայն ազատոււմ էր կրօնական հալածանքներից, այլեւ հնարաւորութիւն էր ստանաւ տէր դառնալու մի շարք ազգակից ընտանիքների ունեցուածքին: Շղթայական հակազդեցութեան նման տարածուելով, օրէնքը աղճատոււմ էր հայ միջնադարեան բազմանդամ ընտանիքի, համայնքի դաւանական եւ դրանով իսկ՝ ազգային դիմագիծը: Ունեւոր ընտանիքներն իրենց աղքատ ազգականների կողմից լարուող որոգայթներից ունեցուածքը փրկելու համար յաճախ ստիպուած էին դիմել պայքարի ամենակրաւորական ձեւերից մէկին՝ արտագաղթին:

Այն փաստը, որ եւրոպական աղբիւրները այս օրէնքի գործունէութիւնը եւ «նոր մահմեդականների» («չադիդ-ուլ-իսլամների») առաջացումը բացատրում են օրինակ բերելով հայերին («եթէ որեւէ հայ մահմեդականանայ...»), եւս մէկ անգամ վկայում է, որ օրէնքը ընդունուել էր հիմնականում Իրանի ամենամեծ քրիստոնէական համայնքի՝ հայերի դէմ¹: XVII դարի նշանաւոր կաթողիկ միսիոներ եւ շահական Իրանի խոշորագոյն գիտակ Ռաֆայէլ դիւ Մանը արձանագրում էր. «Cette invention makiavéliste tente beaucoup de personnes de faire un faulx pas, tant pour sauver son bien que accrocher celui d'autrui»²:

Այս եւ նման տիպի այլ տնտեսական լծակների ազդեցութեան տակ մահմեդականութիւն ընդունած հայերի թիւը փոքր չէր նաեւ նախիջեւանում: Դեռ 1630 թ. մայիսի 21-ի խնդրագրով ժողոտինոս

1 *Տե'ս, օրինակ, Les six voyages de Jean Baptiste Tavernier, ecuyer baron d'Aubonne, en Turquie, en Perse, et aux Indes. T. I, Paris, 1679, p. 510; Francis Richard. Raphaël du Mans missionnaire en Perse au XVIIe s., II, Etats et Mémoire, Paris: Société d'Histoire de l'Orient-L'Harmattan, 1995, pp.35-36; Bedik P. Cehil Sutun, Vienna, 1678, pp. 366-368; G. Chinon. Relation nouvelles de Levant. Lyon, 1671, pp. 292-294; Pouillet. Nouvelles relations du Levant. Paris, 1668, p. 283-285; Sanson. Voyage ou relation de l'état présent du royaume de Perse. Paris, 1695, p. 199-202.*

2 **Francis Richard.** *Raphaël du Mans missionnaire en Perse au XVIIe s., II, Etats et Mémoire*, pp. 35.